



17. aprili 2013

Allakkiaq

**APNN**

**Namminersorlutik Oqartussat**

**Uunga tunngasoq: §37 malillugu Tuttulissuup avannaani Koorornarsuarmi tuttoqassuseq pillugu apeqqut**

Kullorsuup avannaani tuttoqartoq Pinngortitaleriffimmersunit siullermik 2008-mi maluginiarneqalerpoq. Taamanikkut tuttu katillugit aqqanillit Tuttulissuarmi takuneqarsimasut pineqarput. Tamatuma kingorna 2009-mi aasakkut/ukiakkut Tuttulissuarmi tuttoqartoq aamma Pinngortitaleriffimmut maluginiaqquneqaqqippoq, taamanikkut tuttu ataatsimoortukkuutaat ikittukkuutaalli arlaleriarlutik Koorornarsuarmi takuneqartarsimapput.

2010-mi januaarip qaammataani Pinngortitaleriffimmi sulisut allanik suliaqarlutik Nuussuarmiimmata tuttu assilineqarsimanerannik takutinneqarput aamma sumi, qanga tuttullu qanoq takuneqarsimanerannik oqaluttuunneqarlutik. Tuttu ataatsimoortukkuutaat ikittukkuutaalli arlallit takuneqartarsimapput, aamma kulavaat piaqqisartut takuneqartasimallutik aamma takunniffiusuni tamani tuttu amerlanerpaamik arfineq-pingasuusartut uppersarparput. Tuttulissuarmi tuttu aqqutaannik erseqqissunik aamma tuttoqarneranik takussutissanik allanik peqartoq oqaluttuunneqarpugut. Aqqutit arlallit tamakku tunngavigalugit inuit ilaat Tuttulissuarmiissimasut isumaqarput taavani tuttorpassuaqartoq.

Tuttoqarneranik malunnaatit, assersuutigalugu tuttu aqqutaat, sivisuumik nunami takussaasarput taamaattumik imaangilaq maannakkorpiaq tuttorpassuaqarneranut tamanna takussutissaasoq; naak tuttu tumaat amerlagaluartut erseqqikkaluartullu. Koorornarsuaq tamakkerluni 100 km<sup>2</sup>-it missaannik annertussuseqarpoq Tuttulissuarlu 68 km<sup>2</sup>-it missaannik annertussuseqarluni. Piffissami sivisuumi tuttu 170-it uumasinnaannissaannut tunngavissaqarluarpoq (Kalaallit Nunaata sinnerani naasoqassuseq tunngavigalugu naatsorsuineq aallaavigissagaanni). Tamannali nalornissutitaqarpoq, tassami tuttu nikk naggorissutsimilluunniit misissuisoqarsimanngimmat.

Pinngortitaleriffimmi sulisut 2010-mi aamma 2011-mi Qimusseriarsuarmi qulimiguullit atorlugit nannunik misissuipput. Tassunga tunngatillugu Tuttulissuaq aamma Koorornarsuaq qulaavaaneqartarsimavoq kisiannili tuttu nikk tuttoqarsimaneranilluunniit malunnaattaasinnaasunik takusoqarsimanngilaq. Kisianni imaangilaq sumiiffimmi tuttoqanngitsoq, imaassinnaavorli sumiiffinni marluinni taakkunani tuttu amerlasoorsuusimanngitsut. Tuttu amerlanerusimagaluarpata tumaat takuneqarsinnaasimassagaluarput.

Josephine Nymand

**Ilisimatusartog  
Pinngortitaleriffik**